

Mammapiera

Tinnarezza di casa
Par mai ùn ni patiani
I maestri di scola
Eddi ùn ni cunnisciani

Di ghjornu è di notti
Surrisi ùn ni faciani
Erani i ziteddi
Di tutti i suffrimenti

**Pagati pocu è micca
Sgubbavani in silenziu
Fastediu passaghjeru
Di i nostri cuscenzi**

A so vita i maiò
L'aviani calcicata
Fendu ni schiavi manzi
Era vituparata

Zitiddina fughjita
A l'alba marturiata
È noi ùn li vidimi
Da l'africa à i merichi

**Granitula suffrenti
Porghja una manaredda
Da chera una limosina
Da stantà si un pezzu**

Ognighjornu ind'à noi
Affacca a mammapiera
Lacaremi strappà
Di i levi a catena

È vedi a miseria

Accasa si in paesi ?
Ad ora è a contr'ora
Ci tocca à ramintà

**Chì l'unicu valori
Chì cunveni à parà
Hè quiddu di l'umanu
Hè a so dignità**

*Paulu Zarzelli \ Mighèle Tomei
Vaghjime*